














LA FRANCE

RESTABLIE A LA NAISSANCE DV

PRINCE DAVPHIN. 27 September 1601. A xyhoures

Dedié à la Royne.





LYON,

AR THIBAVD ANCELIN. Imprimeur ordinaire du Roy.

in school said and second - 1 21 (1) WIND A- W BY VIVING SY And the second of the second



A LA ROYNE,

ADAME.

Les nouveaux euenemens aportent auec eux des nouveaux des

seins. Voila pourquoy à ceste heureuse naissance du Prince Dauphin
vostre sils, i ay voulu te smoigner mo
deuoir, tant à vostre Maiesté qu'à
tous les François, & faire parler ma
plume pour vn suiect qui faict chater tout le monde. Il sera suiui de
quelque autre plus grande preuue
de l'obeissance du tres-humble seruiteur de vostre Maiesté.

A 2

ESTABLIE.

Έsτ à ce coup, François, que vostre bon - heur est esclos, & que vostre franchise est asseurée, & que

ce qui vous pouuoit menaçer est destruit. Vous voyez vostre France qui
sembloit encor sous pirer ses dernieres
plaintes, maintenant aspirer à de longues prosperitez. Vostre Roy victorieusement esseus as çeu aussi tost abatre que cobatre ses aduersaires. Amiés
comme le nœud de ses estats experimenta ses triomphes, aussi grands &
heureusement esbauchez par les armes, que benignement acheuez par sa
clemence. Tant d'autres lieux plegeront

ront ces deux belles qualitez, qui comme soldats gagez du ciel & de la nature ont prins le soing de ses actions. De mesme que la cire d'Espagne s'amollit au feu, & se rendurcit à l'eau; ainsi son esprit aux plus violentes occasions se rend traittable, & son corps infatigable aux plus furieuses rencotres. Comme le Selsific grossit sa racine lors que lon foule aux pieds ses feuilles; ainfi roidit-il son ame genereuse au peril, lors qu'il se voit plus trauersé. Et non content des gloires qui luy furent iustement concedées du ciel, comme au plus auguste Prince de la terre, il voulut non seulement auoir l'œil à ce qui regardoit son contentement, mais ce qui pouuoit apporter, du repos à ses subjects, & leur estre aussi tost pere tutelaire que Roy legitime. Amour qui semble estre le Tyran des autres peuples vous fut protecteur, & luy mesme

souspirant vostre mal en voulut moyenner le remede. La Renomée heureuse publia vostre establissement, & sous le nom fatal de Medicis elle assoupit vos dernieres craintes. Et comme si cest heureux nom estoir ordonné Medecin de vos playes, de la secode alliance vous en voyez naistre vostre bon-heur. Où sont vos esprits de si long temps exercez à des inventios plus recreatines que fortunées? Que ne continuent-ils leurs exercices, & que ne preuuent-ils maintenant vostre deuoir, aussi bien qu'autresfois ils ont voulu resmoigner vos passions? A qui estes vous plus redeuables, ou à vostre Prince, ou à vos appetits? & à qui deuez vous plustost vostre bien dire, qu'à ceste heureuse naissance, qui vous affranchit des doubtes qui vous pouuoiet inquieter, & destourner vostre plume de son office? Est-ce point que

9

que charmez de tant heureuses nouuelles vous en pouuiez mieux admirer les merueilles, que d'en escrire la resjouissance? Bien que ma nature ne m'y oblige, ma nourriture & vostre tranquillité me le commande. D'ailleurs ie penseroy pecher cotre les merites du Roy & de la Royne, si ie n'o-Aroyois ce deuoir au Dauphin. Dauphin à la verité bien contraire à celuy de la mer, qui conduit ses subjects au peril, & les engage pour sa deliurance. Où cestuy-cy n'est venu que pour af-. franchir les siens, & souvent affronter les hazards pour les deliurer de la tyrannie. S'ils ont de la sympatie, elle est seulement recogneuë à leur beauté, & nonà leur intention. Car retenant de la valeur & de la Iustice de sa Majesté, il ne craindra, mais se fera craindre de tous ceux qui attenteront à ses Estats. Et participant à ceste debonnaireté de la

de la Royne, il ne desire rien plus que le salut de ses subjects. Le courage (ordinaire bouclier des Princes de Bourbon) le sçaura bien garentir des embusches de ses aduerlaires. Et ceste courroise (coustumiers attraicts des Médicis) luy fera procurer la tranquillité & le repos des siens. Je lis des jà à son visage les traicts remarquables de ses Trofées aduenir: & à la douceur de ses yeux, les apparences futures du bon-heur de la France. Ses bras menaçent desjà le Paganisme, triomphe reservé à sa destinée, & asseurent les Chrestiens du recouuremet de leur Empire. C'est à cé coup que les Profeties des Turcs séront accomplies, & que leur estat prendra fin, à la naissance du fils d'Augulte. Quels autres Princes ont-ils famáis redoutez que les Roys de France? Bien que souvent ils ayent espreuué la valeur des Princes de

de Lorraine, & qu'ils en resentent encor & là prudence & les coups. Mais s'ils ont craint les autres Rois, que doiuent-ils faire maintenant, voyant le fils du plus triomphant de tous les Cesars, & de tous les Alexandres? Et mesme suiuy d'vn Prince Lorrain que Dieu donnera à sa Tante, qui participera du Conseil & de la valeur de ses ayeuls. Ces deux nations estant tousiours vne d'alliance, ne feront de tout le monde qu'vn Empire. Et si la pitié, leur faict pardonner à quelques Roys ou Princes, s'ils ne sont tributaires à leurs forces, ils le seront à leurs misericorde. Ie crains mesmes que son bon genie ne die desja comme Alexandre, que le Roy ne luy laissera que trop peu à conquerir, & que le monde sera trop petit pour la grandeur de son courage. Toutesfois l'ambition ne luy fera esbaucher tels desseins: mais la iuste

cause des Chrestiens qui ne respirent que sa grandeur luy feront executer à la gloire de Dieu, & à l'augmentation de sa renommée. Il y auoit chez le Roy Philippe de Macedoine, le cheual Bucephal qui ne pouuoit estre dompté que du dompteur de l'Asie, & cela estoit reserué à la destinée d'Alexandre. Aussi le Turc, selon son Alcoran, ne peut estre surmoté que d'vn Prince qui soit capable desurmonter les terres Idumées. Il semble que telles propheties attendoient ceste heureuse Natiuité: & mesmes pour luy en preparer la facilité le Roy luy a presenté l'espée à sa naissance, qu'il a serrée entre les doigts enfantins, comme desja asseuré de telle conqueste. Ce sera vous, grand Roy, qui aurez part à ses triomphes, luy octroyant auant qu'il puisse vous les demander, & participerez à ses gloires, luy ensei-

gnant auant mesme que son enfance les puisse comprendre. Et vous grande & vertueuse Royne, la Chrestieté vous aura cest obligation de luy auoir enfanté son protecteur & vostre conseruation: & de luy donner vn liberateur si vaillant, & vn Pere tant debonnaire. Et principalèment la France vous sera redeuable à iamais d'auoir porté le fruict de sa franchise, & de l'auoir tirée de tant de coffits qui sembloient s'opposer à sa tranquilité. Les estrangers encores doiuent congratuler ceste naissance fortunée, puis qu'elle leur seruira de bride pour les contenir en leur modestie, & par ainsi parleurs folles entreprises ne perdrot-ils ce que la seule crainte leur coserue. Qu'est-ce donc autre chose que vous estre obligez, puis que vous retardez leur ruine, retardant ou plustost leur faisant disimuler leur intention? Il est autant vuil

de coseruer son estat par crainte, comme par prudence, puis que tout gist à la conservation, & que l'vne faict naistre l'autre. Ce pendant qu'ils seront sur leur resolution nous continuerons nos prieres accoustumées, non plus pour vostre deliurance, voire bien pour le salut tant de sa Majesté, de la vostre, que de celle du Prince Dauphin, à sin de vous voir autant heureuse mere que vous estes, chaste & vertueuse semme.

STAN



STANCES SVR LA NAISSANCE DV PRINCE DAVPHIN.



OVD AIN que du Chaos on tira le Soleil, Qu'il traina par les Cieux son brillant appareil, Il deuient amoureux de la Nym-

phe Soucye: Mais come elle se veit d'un grand Dieu caressée, Flattant sa vanité de rien ne se soucie, Comme si l'on n'eust peu sa grandeur abaisser.

Apres que son esprit repeu de vanité
Preuit le mal fatal de son humanité,
Elle pleure sa fin, & regrette sa gloire:
Mais ses pleurs esmouuant le Soleil à pitié,
Changea ce qu'elle auoit de l'estre transitoire,
Luy laissant d'immortel le nom & l'amitié.

Aussi quand le Soleil recommence son cours, Soucye en le suyuant commence ses amours, Et tout ainsi que luy elle change de face: A fin de n'estre ingrate en ses affections Elle change de lieu comme il change de place, Et par sa patience, & par ses passions.

Quand des troubles derniers on tira le repos, Que les armes cedoient aux affables propos, Le Roy fut amoureux de la France oppressée: Desia l'ambition venant l'entretenir Elle meit en oubly sa souffrance passée, Et ne veut esperer qu'à son bien aduenir.

Mais son mal estoit grand, & trop inueteré, Et mesme dans ses os dés long temps retiré, Si l'amour ne luy eust enseigné le remede: Comme elle vacilloit à sa declinaison, Elle cogneut que l'art à la science cede, Treuuant aux Medicis recepte & guerison

Vn grand Geant venoit de son dart la perc Encores sembloit-il la vouloir trauer ser Pour chasser de son corps & sa vie & son ame: Mais ceste Medicis la voulant secourir, En regardant la playe appliqua le dictame. Et la viuifiant l'empescha de mourir.

Encor' chanceloit-elle, & trembloit de terreurs Redoutant de ses fils les ciuiles fureurs, Regardant son Soleil ombragé de nuage: Mais comme elle l'a veu renouueller son cours Redoublant tout à coup sa force & son courage Ell' a recommencé ses pristines amours.

Ores qu'elle le voit en son ieune printemps Esclairer sans ombrage & sa terre & ses champs, Elle est plus que iamais de son bien asseurée: Comme ne luy pouuant plus grand heur aduenir, Elle esteint ses douleurs & sa gloire esperée, Luy faict des maux passez perdre le souuenir.

F I N.







